

МУВАФФАҚИЯТ КАЛИТИ

Наполеон ХИЛЛ




Ўйла ва бой бўл

- Муваффақиятга эришишга тайёр бўлинг!
- Омадсизлик сабабларидан бири нимада?
- Минг доллар ишлаб олишни истайсизми?
- Фавқога сабаб бўлган ихтиролар
- Ўн саккиз йиллик сўқирлик...

Биринчи ва
иккинчи **КИТОБ**

МУВАФФАҚИЯТ КАЛИТИ
Наполеон
ХИЛЛ



Ўйла ва бой бўл

Биринчи ва
иккинчи **КИТОБ**


ЯНГИ АСР АВЛОДИ
ТОШКЕНТ
2014

УЎК: 159.9

КБК: 88.37

X-50

Н.Хилл

Ўйла ва бой бўл (1,2-китоб). тарж. Ф.Намозов. Т.: Янги аср авлоди, 2014. – 516 бет.

ISBN 978-9943-27-175-3

Ушбу китоб ўз олдингизга мақсад қўйишни, ишонч туйғусини мустақамлашни, турли синовларни енгиб ўтишни, изланишни ўргатади. Шунингдек, махсус билимлар, ақл-заковат, ортга чекинмаслик ҳақида кенг тушунча беради. Китоб бой фикрлаш, орзу-истаклар устидан ҳукмрон бўлиш, муваффақиятга эришишга қаратилган. Сиз ҳаётда қандай қилиб мақсадга етиш ва қатъиятли бўлишнинг аниқ режасини топасиз. Бу эса ҳар бир ишда сизга қўл келади.

Китобда кўплаб инсонлар ҳаётидан олинган ибратли мисоллар келтирилган. Унда фикр кучи, ғайрат-шижоат, бахт-саодатга эришиш йўллари, муваффақиятнинг оддий сирлари баён этилган. Омад сари ундовчи тамойиллар, йўналиш, қондалар билан бойитилган. Аниқ мақсад қўйиб, унга сари чалғимай бориш учун нималар қилиш кераклиги муҳтасар айтиб ўтилган. Гарчанд китобнинг айрим ўринларида Наполеон Хилл тилидан ҳикоя қилинмаса-да, унинг қарашлари, нуқтаи назари, тамойиллари ўз аксини топган.

Китоб кенг китобхонлар оммасига мўлжалланган.

УЎК: 159.9

КБК: 88.37

Таржимон:

ФАТҲУЛЛА НАМОЗОВ

ISBN 978-9943-27-175-3

© Наполеон Хилл, «Ўйла ва бой бўл» (1 ва 2-китоб). «Янги аср авлоди», 2014 йил

КИТОБ ВА УНИНГ МУАЛЛИФИ ҲАҚИДА БИР НЕЧА СЎЗ

Сиз дунёдаги энг мўъжизали таъсир кўрсатувчи китоблардан бирини ўқияпсиз. Ушбу китобдан бой бўлишнинг синовдан ўтган режасини топасиз. У қандай қилиб ишга киришиш тўғрисида ҳикоя қилиб беради. Ҳаёти давомида инсонга олға қадам ташлаш, ўз бахт-саодатини яратиш ва бойликни кўпайтириш учун нималар ёрдам беради, бошқалар, ҳатто бу ишни бошламаган дамларда қай тарзда кўмаклашади – китобда ана шу ҳақда сўз боради.

Аслида кимга нима куч-қувват бахш этади-ю, бошқалар нега сушт, баёвлигича қолаверади? Нега айримлар тақдирнинг шафқатсиз зарбаларига заррача эътибор бермай, ўзлари орзу қилган истиқболга назар ташлаб, муаммолар гирдобидан ўтадилар, мақсадга етадилар? Шу билан бир вақтда эса бошқалар умидсиз хатти-ҳаракатлар ичида битмас-туганмас хатоларга йўл қўядилар, оқибатда ҳеч нарсага эга бўлмайдилар.

Кўп йиллар муқаддам Наполеон Хилл сайёрамизнинг энг бой одамларидан бири Эндрю Карнеги билан суҳбатлашганида, ушбу оламшумул сирнинг ярқироқ қиррасини кўргандай бўлган эди. Ўшанда Карнеги унга омад соҳиблари қандай воситалар билан унга ёндашишини таҳлил қилишни ва бутун дунё учун намуна ва ибрат бўладиган муваффақиятга эришиш формуласини ишлаб чиқиш тўғрисида маслаҳат берган эди.

Мазкур китоб муваффақиятлар сирини очиб беради ҳамда ҳаракатлар режасини тавсия этади. У 1937 йилдан бошлаб АҚШда 42 марта босилиб чиққан ва қисқа муддатда сотилган. Ҳозирги нашри янги маълумотлар билан бойитилган, ҳар бир бўлим ўтилганларни мухтасар такрорлашни ҳам қамраб олади.

Хуллас, китоб барча тўсиқларни енгиб ўтиш, қўйилган мақсад ҳамда муваффақиятга эришувнинг ягона ҳамда беҳато йўлини вақтнинг абадий дарёсидан худди кино тасмаси сузиб ўтгандек кўрсатиб беради. Мутолаа жараёнида сиз нима сабабдан ўзига ишонган одамлар улкан бойлик эгасига айланиб, бахт-иқболга эришишларини билиб оласиз, бинобарин ўзингиз ҳам айнан шундай мавқе соҳиби бўласиз.

Наполеон Хилл 1883 йилда Виржиния тоғлари ўрмонидаги кичик кулбада дунёга келган. У ёшлигида Жоржтаун университетида ўқиш учун ҳақ тўлаш мақсадида газетада репортёр бўлиб ишлади. Журналистларга хос абжирлик унинг кейинги тақдирини белгилаб берди. Наполеон Хиллнинг ярқ этган хабарлари Теннесси штати губернатори ҳамда «Биб Тейлорс Мэгэзин» журнали соҳиби Роберт Л.Тейлорнинг диққатини ўзига тортди. Шу тариқа йигирма беш яшар бу қаламкашга таниқди кишиларнинг юксак мартабага эришганлиги билан боғлиқ туркум мақолалар ёзиш бўйича буюртма берилди, бундай инсонлардан биринчиси эса Эндрю Карнеги эди.

Хилл Карнегида чуқур таассурот қолдирди, у ёш қаламкашнинг катта ишига оқ йўл тилади. Наполеон Хилл бу иш билан йигирма йил машғул бўлмоғи керак эди. У муваффақият қозонган беш юздан зиёд америкаликдан батафсил интервью олишга ва, ҳатто оддий қобилиятга эга одамларга ҳам мос келадиган умумий формулани олиб киришга муваффақ бўлди. Хиллнинг суҳбатдошлари орасида Ҳенри Форд, Уильям Ригль, Кларенс Дэрроу, Лютер Бербэнк, Жон Пьерпонт Морган каби машҳур кишилар ва Американинг уч нафар президенти ҳам бўлган.

1928 йилда Карнеги билан ўтказилган – хотирада узоқ сақланидиган суҳбатдан сўнг Хилл биринчи асари – шахсий муваффақиятга эришиш фалсафаси борасида ўзининг тахминий фикри жамланган китобини нашр этди. Ўтган вақт давомида у ўзи тўплаган маълумотларни умумлаштириш билан бирга ҳаёт кечириш учун турли соҳаларда, шу жумладан, Чикаго университетида реклама агентти бўлиб ишлашига, «Голден рул» номи журнал нашр этишига тўғри келган эди.

Биринчи жаҳон уруши даврида Хилл президент Вильсон маъмуриятида ижтимоий муносабатлар бўйича эксперт сифатида фаолият юритди. 1933 йилда эса Шимоллий Виржиния сенатори Женнингс Рэндольф уни Теодор Рузвельтга тавсия қилди ва Хилл яна президентга маслаҳатчи бўлди. Бироз вақтдан сўнг у ўзининг йигирма йиллик – «Ўйла ва бой бўл» лойиҳасини бир тизимга киритиш ҳамда такомиллаштиришга қарор қилди.

1952 йилда «Наполеон Хилл ассоциацияси» таъсис этилганидан сўнг у шахсий муваффақиятга эришиш фалсафасини ёйишга фаол киришди ва одамларни «муваффақият илми»ни ўқитиш билан банд бўлган ижтимоий таълим йўналишидаги «Наполеон Хилл фонди»ни бошқарди. 1963 йили Хилл ўзи томонидан яратилган «Шахсий ютуқлар академияси» учун янги жадвал ва дастур тузди ҳамда шу асосда ўқиш ёки уйда ўқитишни ташкил этди. Бу вақтда Наполеон Хилл 80 ёшда эди.

СЎЗБОШИ

Китобнинг ҳар бир бўлимида юзлаб одамларга бой бўлишга ёрдам берувчи сирлар ҳақида ҳикоя қилинади. Камина узоқ йиллар давомида уларнинг мартабага эришиш йўллари таҳлил этиш билан банд бўлдим.

Ушбу сир тўғрисида илк бор бундан эллик йил муқаддам Эндрю Карнегидан эшитган эдим. Шотландиялик бу мулойим ва ёқимли қария мендек гўр йигитга шунчаки гапиргандай бўлганди. Кейин эса кўзлари хушнуд чарақлаганича оромкурсига ястаниб олди-да, мени диққат билан кузата бошлади: унинг айтганларини уқиб олиш учун менда ақл-заковат етишармикан?

Қарияни жон қулогим билан тинглаганим боисми, у мендан, сиз йигирма йил ёки ундан зиёд муддат мобайнида бутун дунё миқёсида муваффақиятга эришиш формуласини тарқатишдан иборат фаолиятга ўзингизни тайёрлай оласизми, деб сўради. Сўнг қўшимча қилди: «Кимки уни эгаллай олмаса, бир умр омадсиз бўлиб қолаверади». Мен бунга тайёр эканлигимни айтдим ва сўзимнинг устидан чиқдим.

Муваффақиятнинг мўъжизавий формуласи жаноб Карнегининг гоёларидан келиб чиққан эди. Бу унга ҳаддан зиёд бойлик келтирган, энди эса мазкур формула бой бўлиш каби узоқ ва машаққатли меҳнатга вақти бўлмаган кишиларни қуроолантириш учун керак эди. Карнеги ўз хулосаларини текшира олишимга ва турли жинс, ёш ва ҳар хил соҳадаги кишиларга баён эта олишимга умид боғлади.

Бу фанни барча мактаб ва коллежларда ўқитиш керак, уни талаб даражасида ўқитиш таълим тизимида инқилобий ўзгаришларга олиб келади, таҳсил вақтини деярли ярмига қисқартиради, деб таъкидлаган эди у.

БИРИНЧИ КИТОБ

Муваффақият сири амалиёт синовидан ўтди

Ишонч тўғрисидаги бўлимда сиз ёш йигит Чарльз Шваб томонидан «Юнайтед Стейс Стил» номли улкан корпорациянинг вужудга келиши тўғрисидаги қизиқарли воқеаларни билиб оласиз. Бунинг мисолида Карнеги ким тайёр бўлса, муваффақият сири ўшанинг фойдаси учун ишлашига тўлиқ ишонди. Унинг жаноб Шваб томонидан қўлланиси туфайли ҳайратомуз муваффақиятга эришилди: бойлик 600 млн. доллардан ошиб кетди.

Бу ҳол жаноб Карнегини таниган барча кишиларга маълум. Бу сиз учун, азиз китобхон, нимани хоҳлаган бўлсангиз, ана шу шарт билан намуна, ибрат бўлиши мумкин.

Ушбу сир минглаб эркак, аёл томонидан уларнинг шахсий манфаатини кўзлаган ҳолда очилдики, ҳаммаси жаноб Карнеги томонидан ўйлаб топилган эди. Айримларга муваффақият билан жилмайиш ҳам бойлик келтирди. Бошқалар эса унинг ёрдамида шахсий ишларини тартибга солиб олдилар. Ҳатто уни битта руҳоний шу қадар самарали қўлладики, йиллик даромади 75 минг доллардан ошиб кетди.

Цинциннатилик тикувчи Артур Нэш «тажрибали қуён» сифатида касодга учраётган корхонани сотиб олди ва унда муваффақият формуласини текшириб кўрди.

Иш юришиб кетди ва Нэшга улкан бойлик келтирди. У ҳозир ҳам, гарчи жаноб Нэшсиз бўлса-да, гуллаб-яшнамоқда. Бу тажриба шунчалик нодирлик касб этдики, газета-журналлар уни алқаб, мақтов сўзлари учун миллион доллар сарфлашди.

Муваффақият сири Техас штатидаги Даллас шаҳрида яшовчи Стюарт Остин Уайерга ҳам омад келтирганди. У муваффақиятга тайёр эди – шунчалик бўлдики, Уайер ўз касбини ташлаб, ҳуқуқни ўргана бошлади. У ўз мақсадига эришдими? Бу ҳақда ҳам сиз мазкур китобдан билиб оласиз.

Ўз даврида Ласалле университетида реклама агенти бўлиб ишлар эканман, ректор Ж.Г. Чаплинга муваффақи-

ят формуласини қандай татбиқ этиш тўғрисида сўзлаб берган эдим. Бунинг натижаси ўлароқ университет мамлакатда экстенсив ўқитиш тизими бўйича энг намунали ўқув даргоҳларидан бирига айланди.

Китобда тилга олинган сир камида юз марта тилга олинади. Унинг аниқ номи учрамайди, боз устига уни мен танлаганим ҳам йўқ. Очиқ-ойдинлик эса бизга таъсир қилмайди, бизга аслида махфийлик зарур. Ахир унинг қиррасидан тутсак, биз учун зийраклик имконияти юзага келади. Шу боис бўлса керак, Эндрю Карнеги ўзини унчалик уринтирмай, ушбу сирни ўзининг бирортаям сўзи билан белгиламаган.

Қулоғи бор киши, албатта, эшитади

Тайёр бўлинг – муваффақиятга эришиш сири сизга ҳар бир бўлимдан сўнг энг камида бир бора намоён бўлади. Мен буни мамнуният ила сўзлаб берардим-у, аммо сизни шоду хуррамлик ҳамда биринчи кашфиётчининг фойдали жиҳатларидан маҳрум қилмайин, дейман.

Сиз умидсизлик гирдобида қолиб, ранж-аламлар юракбағрингизни эзиб юбордими? Сизни касаллик ва жисмоний дардлар таъқиб этмоқдами? Ҳечқиси йўқ, Карнеги формуласидан фойдаланиб, менинг ўғлим ажойиб кашфиётга қўл ургани ҳақида ўқийсиз-у, ўзингизни йўқотилган умид-орзулар саҳросидаги воҳада пайдо бўлгандай сезасиз.

Муваффақият сирларини амалга оширувчи, унга рўбарў келган ҳар бир киши сўзсиз ўзини омад оғушида ҳис этади. Агар сизда шубҳа-гумон туғилса, дарҳол муваффақият қозонган кишиларнинг мартаба-амалига диққат-эътибор билан қаранг. Ана шунда уларнинг муваффақияти сизни дарҳол ишонтиради ва шубҳа-гумонларингиз дарҳол ғойиб бўлади.

Албатта, **муваффақият сирлари сиз учун нимагадир арзийди, аммо унинг асл баҳодан ҳам баланд туриши тайин гап.** Бу баҳони сўз билан ифодалаш қийин, чунки сирни пул билан баҳолаш шунинг учун мумкин эмаски, гўё у икки қисмдан иборатга ўхшайди. Унинг бир қисми сир тўла-тўқис инсонни қамраб олишидан иборат.

Кимки сир-синаотга тайёр бўлса, у мутлақо бир хил хизмат қилади. Бунда маълумот ҳеч қандай аҳамият касб этмайди. Мен туғилгунча муваффақият сири Томас А.Эдисонга очилган эди. У буни юксак ақл билан амалга ошириб, дунёга машҳур кашфиётчи сифатида ном қозонди, ваҳоланки Эдисон мактабда бор-йўғи уч ҳафта бўлган, холос.

Муваффақият сирлари Эдисоннинг иш соҳасидаги шериги Эдвин С.Барнсга ҳам дуч келган эди. Барнс улкан бойлик тўплаган, бу эса ёш йигит чоғидаёқ фаол бизнесдан четлатишга сабаб бўлган эди. Мазкур воқеа тўғрисида сиз биринчи бўлим бошида бойлик эришадиган чегарада қўлга киритилишини билиб оласиз. Пул, обрў-эътибор, машҳурлик ва бахт-саодат фақат унга тайёр турган кишиларга ато этилади ва ўз-ўзига шундай дейди: «Мен ҳар қандай мўъжизаларга муносибман».

Камина бу сирни қаердан биламан? Бу ҳақда сиз китобни ҳали ўқиб чиқмасдан туриб, жавоб олишингиз мумкин. Уни айнан биринчи бўлимда ёки энг охириги саҳифадан топишингиз эҳтимолдан холи эмас.

Йигирма йиллик тадқиқотлар жаноб Карнегининг хайру саховати ҳомийлигида ўтди. Мен юзлаб машҳур кишилар ҳаёти ва фаолиятини таҳлил қилдим, улардан кўпчилиги Карнеги формуласи ёрдамида улкан бойликка эга бўлганликларини тасдиқладилар.

Бу инсонлар орасида Ҳенри Форд, Уильям Ригль, Жеймс Ж.Хилл, Жорж С.Паркер, Е.М.Статлер, Генри Л.Доэрти, Сайрус Х.К.Кертис, Жорж Истмен, Чарльз М.Шваб, Харрис Ф.Уильямс, доктор Фрэнк Гонсалес Дэниэль Уиллард, Кинг Жиллет, Ральф А.Уикс, судья Дэниэл Т.Райт, Жон Д.Рокфеллер, Томас А.Эдисон, Фрэнк А.Вандерлип, Ф.В.Вулворт, полковник Роберт А.Доллар, Эдвард А.Файлин, Эдвинс С.Барнс, Артур Нэш, Теодер Рузвельт, Шон У.Дэвис, Элберт Хаббард, Уилбер Райт, Уильям Женнингс Брайн, доктор Дэвид Стар Шордон, Ш.Ожин Армор, Артур Брисбейн, Вудро Вильсон, Уильям Ховард Тафт, Лютер Бербенк, Эдвард У.Бок, Грехем Бэлл, Шон К.Патерсон, Шулиус Розенвальд, Стюарт Остин Уайер, доктор Френк Крэйн, Жорж М.Александр, Ж.Р.Чаплин, сенатор Женнингс Рендольф бор эди.



Bu tanishuv parchasidir. Asarning to'liq versiyasi
<https://kitobxon.com/oz/asar/2092> saytida.

Бу танишув парчасидир. Асарнинг тўлиқ версияси
<https://kitobxon.com/uz/asar/2092> сайтида.

Это был ознакомительный отрывок. Полную версию
можно найти на сайте
<https://kitobxon.com/ru/asar/2092>